



# **TRIDESET UZROKA ULASKA U DŽENNET**

**naslov originala:**

ثلاثون سببا لدخول الجنة

بِسْمِ اللَّهِ الرَّحْمَنِ الرَّحِيمِ



# TRIDESET UZROKA ULASKA U DŽENNET

naslov originala:

ثلاثون سببا لدخول الجنة

Sa arapskog preveo:

*Abdulvaris Ribo*

Izdavač:

Islamski centar »Balkan«

Urednik:

Islamski centar »Balkan«

Grafička obrada:

Islamski centar »Balkan«, Odjel za štampu i dizajn

Štamapano uz dozvolu zeničkog Muftijstva

## UVOD

Zaista hvala pripada Allahu, Njega hvalimo i od Njega pomoć i oprost tražimo. Utječemo se Allahu, od zla nas samih i od naših loših djela. Koga Allah dž.š. uputi niko ga u zabludu ne može odvesti, a koga On u zabludi ostavi nema mu upućivača. Svjedočim da nema boga sem Allaha, Jedinog, koji nema saučesnika, i svjedočim da je Muhammed Njegov rob i poslanik .... A zatim:

Ova knjižica, pod nazivom *Trideset uzroka ulaska u Džennet*, u sebi sadrži jedan broj ajeta i vjerodostojnih (sahih) hadisa, u kojima se spominju djela koja su uzrok da njihov počinilac, Allahovom dobrotom, uđe u Džennet. Međutim, to ne znači da ova djela, onom ko ih čini, garantuju ulazak u Džennet, bez razlike kakvo mu je vjerovanje.

U Džennet neće ući niko do mu'min. Kada bi neko od kafira (nevjernika) ili mušrika (idolopoklonika), činio ova djela ili neka od njih, to mu ne bi

koristilo, niti bi ga uvelo u Džennet, jer Uzvišeni Allah kaže:

...لَيْنَ أَشْرَكَتَ لِيَحْبِطَنَّ عَمَلُكَ وَلَتَكُونَنَّ مِنَ الْخَاسِرِينَ ﴿٦٥﴾

***"Ako budeš druge Allahu ravnim smatrao (činio širk), tvoja djela će sigurno propasti, a ti ćeš izgubljen biti."*** (ez-Zumer, 65)

Također, Uzvišeni o kafirima (nevjernicima) kaže:

وَقَدِمْنَا إِلَىٰ مَا عَمِلُوا مِنْ عَمَلٍ فَجَعَلْنَاهُ هَبَاءً مَّنْثُورًا ﴿٢٣﴾

***"Mi ćemo pristupiti djelima njihovim koja su učinili, i u prah i pepeo ih pretvoriti."*** (el-Furqan, 23)

Zbog toga je islam prvi nezaobilazni šart (uvjet) za primanje bilo kojeg dobrog djela. Što se tiče drugog šarta (uvjeta), koji obavezno mora pratiti djelo, da bi bilo primljeno kod Uzvišenog Allaha, to je ihlas (iskrenost) u djelima prema Allahu, tj. onaj koji radi neko djelo obavezan je da time namjerava (cilja) Allahovo lice bez toga da u svojoj namjeri Allahu dž.š. pridružuje nekoga od stvorenja. Dokaz za ovo su riječi Poslanika s.a.v.s.: *"Zaista Uzvišeni Allah ne*

*prima nikakvo djelo, osim ako je urađeno sa ihlasom (iskreno) i ako se njime želi Allahovo lice (zadovoljstvo)."*  
(bilježi ga Nesaija, Sahihul-džami', 1856)

Treći šart (uvjet) za primanje djela je slijeđenje Allahovog Poslanika, sallallahu 'alejhi ve sellem, Zbog toga smo se u ovoj knjižici ograničili samo na vjerodostojne hadise od Poslanika, sallallahu 'alejhi ve sellem.

Molim Uzvišenog i Moćnog Allaha, Njegovim lijepim imenima i savršenim svojstvima, da učini ovo i sva druga naša djela iskrenim (sa ihlasom), radi Njegovog uzvišenog lica (zadovoljstva).

Također Ga molim da ovo djelo bude od koristi meni i svoj braći muslimanima, te da ga upiše meni i mojim roditeljima kao nagradu, na dan kada neće koristiti ni imetak ni sinovi, osim onome ko dođe Allahu s čistim srcem. Ako sam pogodio to je od Allaha i Njegovom dobrotom, a ako sam pogriješio to je od mene i od šejtana.

Slavljen i hvaljen, neka si, Gospodaru. Svjedočim da nema boga osim Tebe, od Tebe oprost tražim i

kajem Ti se. Neka je Allahov salavat na Njegova roba i poslanika, Muhammeda, sallallahu 'alejhi ve sellem, njegovu porodicu i sve njegove ashabe. Naša posljednja dova je:

**HVALA ALLAHU, GOSPODARU SVJETOVA.**

## 1. i 2. IMAN I DOBRO DJELO

U plemenitom Kur'anu IMAN se spominje kao jedan od najvažnijih uzroka koji, Allahovom dozvolom, vode u Džennet, ali se uvijek spominje uporedo s dobrim djelom. Zbog toga ne možeš naći ni jedno mjesto, gdje se spominje IMAN, kao uzrok ulaska u Džennet, a da se uporedo s njim ne spominje i dobro djelo. Vrata dobrih djela su, hvala Allahu, prostrana i velika, a putevi i načini postizanja nagrade su veliki i mnogobrojni. Njihov broj zna samo Uzvišeni Allah.

Uzvišeni Allah dž.š. kaže:

وَالَّذِينَ ءَامَنُوا وَعَمِلُوا الصَّالِحَاتِ اُولَٰئِكَ

اَصْحَابُ الْجَنَّةِ هُمْ فِيهَا خَالِدُونَ

***"A oni koji budu vjerovali i dobra djela činili - oni će stanovnici Dženneta biti i u njemu će vječno ostati."***

(el-Beqareh, 82)

U ovom značenju postoji mnogo ajeta i vjerodostojnih hadisa, koje je teško pobrojati, ali ćemo kao primjer navesti neke od njih.

SURE: el-Beqareh, 25 i 82; Luqman, 8; el-Kehf, 107.; el-Hadždž, 14, 23, 56; el-Feth, 5; el-Hadid, 12 i 21; et-Tegabun, 9; et-Talaq, 11; el-Burudž, 11; el-Bejjineh, 7; el- Mu'minun, 1 i 11; el-'Ankebut, 57.

### 3. TAKWA - BOGOBOJAZNOST


Jedna od najvažnijih definicija bogobojažnosti je: *Bogobojažnost* je strah od Uzvišenog, rad po objavljenom, zadovoljstvo s malo i spremnost za dan odlaska.

U definicije bogobojažnosti ulazi i sljedeća definicija: *Bogobojažnost* je da radiš iz pokornosti prema Allahu, po nuru od Allaha dž.š. (tj. onako kako je došlo u Allahovoj knjizi i Sunnetu Poslanika, sallallahu 'alejhi ve sellem, želeći time nagradu od Allaha, i da ostaviš nepokornost prema Allahu, po nuru (svjetlosti) od Allaha, bojeći se Njegove kazne.

Ko želi da pročita nešto opširnije o bogobojažnosti neka vidi djela od Ibn el-Qajjima el-Džewzije, rahimehullah: *Medaridžu-s-salikin; Igasetu-l-lehfan*.




Uzvišeni Allah kaže:



***"Oni koji budu bogobojažni, oni će u džennetskim baščama, pored izvora, biti."*** (el-Hidžr, 45)

Džennet je i pripremljen za bogobojažne.  
Uzvišeni kaže:

وَسَارِعُوا إِلَى مَغْفِرَةٍ مِّن رَّبِّكُمْ وَجَنَّةٍ عَرْضُهَا



***"I požurite ka oprost u Gospodara vašeg, i Džennetu koji je prostran kao nebesa i Zemlja, pripremljen za bogobojažne."*** (Ali 'Imran, 133)

Kaže Allahov Poslanik, sallallahu 'alejhi ve sellem: "Ono što će najviše uvesti ljude u Džennet je bogobojažnost prema Allahu i lijep ahlak (ponašanje), a ono što će ih najviše uvesti u vatru (Džehennem) je jezik i stidno mjesto." (Tirmizi, Ibn Madže i Ahmed. Vidi: Silsiletu-l-ehadis es-sahiha, 977)

#### 4. POKORNOST UZVIŠENOM ALLAHU I NJEGOVOJ POSLANIKU, sallallahu 'alejhi ve sellem

Uzvišeni Allah kaže:

...وَمَنْ يُطِيعِ اللَّهَ وَرَسُولَهُ يُدْخِلْهُ جَنَّاتٍ تَجْرِي مِنْ  
تَحْتِهَا الْأَنْهَارُ وَمَنْ يَتَوَلَّ يُعَذِّبْهُ عَذَابًا أَلِيمًا

***"Onoga ko se pokorava Allahu i Poslaniku Njegovu On će u džennetske bašče, kroz koje rijeke teku uvesti, a onoga ko leđa okrene, bolnom kaznom će kazniti."*** (el-Feth, 17)

U Buharijinom *Sahihu* se bilježi hadis od Ebu Hurejre, raijallahu 'anhu, da je Allahov Poslanik, sallallahu 'alejhi ve sellem, rekao: *"Svi sljedbenici moga Ummeta će ući u Džennet osim ko odbije."* *"A ko odbija, Božiji Poslaniče?"* - rekoše. On reče: *"Onaj ko mi se pokorava ući će u Džennet, a onaj ko je nepokoran on odbija."* (Fethu-l-bari, komentar Buharijinog Sahiha, 13/249)

## 5. DŽIHAD NA ALLAHOVOM PUTU

Pod džihadom na Allahovom putu se podrazumjeva borba životom i imetkom. Uzvišeni Allah kaže:

إِنَّ اللَّهَ اشْتَرَىٰ مِنَ الْمُؤْمِنِينَ أَنْفُسَهُمْ وَأَمْوَالَهُمْ بِأَنْ  
لَّهُمُ الْجَنَّةَ يُقَاتِلُونَ فِي سَبِيلِ اللَّهِ فَيَقْتُلُونَ وَيُقْتَلُونَ وَعَدًّا عَلَيْهِ  
حَقًّا فِي التَّوْرَةِ وَالْإِنْجِيلِ وَالْقُرْآنِ ... ﴿١١١﴾

***"Allah je od mu'mina kupio živote njihove i imetke njihove u zamjenu za Džennet koji će im dati - oni će se boriti na Allahovom putu, pa ubijati i biti ubijani. On im je to istinski obećao u Tevratu i Indžilu i Kur'anu..."*** (et-Tewbeh, 111)

Također Uzvišeni kaže:

يَا أَيُّهَا الَّذِينَ آمَنُوا هَلْ أَدُلُّكُمْ عَلَىٰ تَجَرَّةٍ تُنَجِّيكُمْ مِّنْ عَذَابِ  
الْأَلِيمِ ﴿١٠٩﴾ تَوَّابُونَ بِاللَّهِ وَرَسُولِهِ وَتُجَاهِدُونَ فِي سَبِيلِ اللَّهِ بِأَمْوَالِكُمْ  
وَأَنْفُسِكُمْ ذَٰلِكُمْ خَيْرٌ لَّكُمْ إِن كُنْتُمْ تَعْلَمُونَ ﴿١١٠﴾ يَغْفِرْ لَكُمْ  
ذُنُوبَكُمْ وَيُدْخِلْكُمْ جَنَّاتٍ تَجْرِي مِنْ تَحْتِهَا الْأَنْهَارُ وَمَسْكِنٍ  
طَيِّبَةٍ فِي جَنَّاتٍ عَدْنٍ ذَٰلِكَ الْفَوْزُ الْعَظِيمُ ﴿١١١﴾

***"O vjernici, hoćete li da vam ukažem na trgovinu koja će vas spasiti bolne kazne; u Allaha i Poslanika Njegova vjerujte, i imecima svojim i životima svojim na Allahovom putu se borite - to vam je, da znate, bolje -, On će vam grijehе vaše oprostiti i u džennetske bašče vas, kroz koje rijeke teku, uvesti, i u divne dvorove u edenskim vrtovima; - to će biti veliki uspjeh."*** (es-Saff, 10-12)

## 6. TEWBA - POKAJANJE

Tewba briše (eliminiše) sve ono što je bilo prije nje (misli se na loša djela), kako kaže Allahov Poslanik, sallallahu 'alejhi ve sellem: *"Onaj koji se pokaje od grijehа je kao i onaj ko nema grijehа."* (bilježe ga Ibn Madždže i drugi, *Sahihu-l-džami'*, 3008)

Allah dž.š. kaže:

إِلَّا مَنْ تَابَ وَءَامَنَ وَعَمِلَ صَالِحًا فَأُولَٰئِكَ

يَدْخُلُونَ الْجَنَّةَ وَلَا يُظْلَمُونَ شَيْئًا

***"...ali oni koji su se pokajali i vjerovali i dobro činili, njima se neće nikakva nepravda učiniti i oni će u Džennet ući."*** (Merjem, 60)

## **7. USTRAJNOST (POSTOJANOST) NA ALLAHOVOJ VJERI**

Kaže Uzvišeni Allah:

إِنَّ الَّذِينَ قَالُوا رَبُّنَا اللَّهُ ثُمَّ اسْتَقَمُوا فَلَا خَوْفٌ عَلَيْهِمْ

وَلَا هُمْ يَحْزَنُونَ ﴿١٣﴾

***"Oni koji govore: 'Naš Gospodar je Allah!' - zatim ustraju, neka se ničega ne boje i ni za čime nek ne tuguju."*** (el-Ahqaf, 13)

Od Sufjana ibn Abdullaha es-Sekafija se prenosi da je rekao: *"Božiji Poslaniče, reci mi nešto o islamu, nakon čega, o njemu, neću nikog pitati poslije tebe!"* Poslanik mu reče: *"Reci: 'Amentu billahi (vjerujem u Allaha)', - zatim ustraj u tome."* (bilježi Muslim, komentar od en-Newewija 2/367).

## **8. TRAŽENJE ZNANJA (NAUKE) RADI ALLAHOVOG LICA (ZADOVOLJSTVA)**

U Muslimovom *Sahihu* se bilježi hadis od Ebu Hurejre, radijallahu 'anhu, da je Allahov Poslanik, sallallahu 'alejhi ve sellem, rekao: *"Ko krene putem tražeći na njemu znanje, Allah dž.š. će mu olakšati put ka Džennetu. Nijedna skupina ljudi se ne okupi u jednoj od Allahovih kuća (džamija), učeći Allahovu knjigu i međusobno je proučavajući, a da se na njih ne spusti spokoj, obaspe ih Allahova milost, okruže ih meleki i Allah ih spomene među onima koji su kod Njega, a koga djela unažade porijeklo mu neće koristiti."* (Komentar Muslimovog Sahiha od en-Newewija, 17/24)

## **9. GRADNJA DŽAMIJA (MESDŽIDA)**

U Buharijinom *Sahihu* se prenosi od 'Usmana ibn 'Affana, radijallahu 'anhu, da je čuo Allahovog Poslanika, sallallahu 'alejhi ve sellem, kako kaže: *"Ko sagradi džamiju (mesdžid), želeći time Allahovo lice*

*(žadovoljstvo), Allah će mu sagraditi istu u Džennetu.”*  
(Fethu-l-bari, 1/544).

## 10. LIJEP AHLAK (PONAŠANJE)


Kaže Allahov Poslanik, sallallahu ‘alejhi ve sellem: *“Ja garantujem kuću u dnu Dženneta onome ko ostavi prepirku pa makar bio u pravu, i garantujem kuću u sred Dženneta onome ko ostavi laž pa makar se šalio, i garantujem kuću u vrhu Dženneta, onome ko ima lijep ahlak (ponašanje).”* (bilježe Ebu Davud i ed-Dija' el-Maqdisi, Sahihu-l-džami', 1464)

Kaže Allahov Poslanik, sallallahu ‘alejhi ve sellem: *“Ono što će najviše uvesti ljude u Džennet je bogobojažnost i lijep ahlak (ponašanje), a ono što će ih najviše uvesti u vatru (Džehennem) je jezik i stidno mjesto.”* (izvor prethodno naveden)

U lijep ahlak (ponašanje) ulaze mnoge stvari, koje je 'Aiša, radijallahu 'anha, sažeto navela, kada je bila upitana o ahlaku (ponašanju) Allahovog

Poslanika, sallallahu 'alejhi ve sellem: *"Njegov ahlak (ponašanje) je bio Qur'an."* (bilježe Muslim, Ahmed i ostali).

Allahov Poslanik, sallallahu 'alejhi ve sellem, je naš uzor i Allah dž.š. ga pohvaljuje Svojim riječima:



***"Jer, ti si, zaista, najljepšeg ahlaka (ćudi)."*** (el-Qalem, 3)

Pogledajmo Allahovu knjigu i Sunnet Njegova Poslanika, sallallahu 'alejhi ve sellem, njegov životopis (siru) i životopis njegovih ashaba (drugova), radijallahu 'anhum, da bi naučili šta je to lijep ahlak i kako ga postići.

Od najboljih knjiga koje govore o vrlinama Allahovog Poslanika, sallallahu 'alejhi ve sellem, i njegovom ahlaku je knjiga: *Muhtesaru-š-šemaili-l-muhamedije - Vrline Allahovog Poslanika od Imama Tirmizije* (Allah mu se smilovao), koju je skratio i izvršio korekciju šejh Muhammed Nasiruddin Albani.



## 11. OSTAVLJANJE PREPIRKE

Kaže Poslanik, sallallahu 'alejhi ve sellem: *“Ja garantujem kuću u dnu Dženneta onome ko ostavi prepirku pa makar bio u pravu,...”* (izvor prethodno naveden).

## 12. OSTAVLJANJE LAŽI PA MAKAR I U ŠALI

Allahov Poslanik, sallallahu 'alejhi ve sellem, kaže: *“Ja garantujem kuću u dnu Dženneta onome ko ostavi prepirku pa makar bio u pravu, i garantujem kuću u sred Dženneta onome ko ostavi laž pa makar i u šali,...”* (izvor prethodno naveden).

## 13. BITI STALNO POD ABDESTOM (TAHARET) I KLANJATI DVA REKATA IZA SVAKOG EZANA

Bilježi Imam Tirmizija u svom *Sunenu*, el-Hakim i Ibn Huzejme u svom *Sahihu* od 'Abdullaha ibn Burejde, a on od svog oca, radijallahu 'anhuma, da je rekao: *“Jedno jutro Allahov Poslanik, sallallahu 'alejhi ve*

*sellem, je rekao Bilalu: 'Bilale, čime si me pretekao u Džennet? Jučer sam ušao u Džennet i ispred sebe sam čuo tvoje korake.' Bilal odgovori: 'Allahov Poslaniče, nikada nisam proučio ezan a da nisam klanjao dva rekata, i nikada nisam izgubio abdest a da ga nisam ponovo uzeo.' Allahov Poslanik, sallallahu 'alejhi ve sellem, mu reče: 'S tim si me pretekao'.*" (Sahihu-t-Tergib ve-t-Terhib, 194).

#### **14. ODLAZAK U MESDŽID RADI OBAVLJANJA NAMAZA I POVRATAK IZ NJEGA**

Bilježe Imami Muslim i Buharija u svojim *Sahihima*, i drugi, od Ebu Hurejre, radijallahu 'anhu, da je Allahov Poslanik, sallallahu 'alejhi ve sellem, rekao: *"Kad god neko ode u džamiju, - jutrom ili naveče - Allah mu pripremi mjesto u Džennetu (NUZULEN) koliko god puta ode ujutro ili naveče."* (komentar Muslimovog Sahiha od en-Newewija, 5/ 176).

Imam en-Newewi u komentaru ovog hadisa: "Allah mu pripremi mjesto (NUZULEN), kaže, da je to ono što se pripremi kad dolaze gosti."

## 15. MNOGO ČINITI SEDŽDU ALLAHU DŽ.Š.

Bilježi Imam Muslim u svom *Sahihu* od Rebia' ibn Ka'ba el-Eslemija, r.a., da je rekao: *"Jedne prilike sam noćio kod Poslanika, sallallahu 'alejhi ve sellem, pa sam mu pomogao da uzme abdest i izvrši svoje potrebe, pa mi reče: 'Traži!' Ja mu odgovorih: 'Tražim da budem uz tebe u Džennetu.' On upita: 'Ili tražiš nešto drugo?' Ja mu rekoh: 'To je ono što tražim.' Poslanik na kraju reče: 'Pomozi se protiv svog nefsa mnogo čineći sedždu'."* (komentar Muslimovog Sahiha od en-Newewija 4/451).

## 16. PRIMLJEN HADŽDŽ (HADŽDŽ MEBRUR)

Allahov Poslanik, sallallahu 'alejhi ve sellem, kaže: *"Ko obavi hadždž, pa ne bude govorio bestidne riječi i ne bude grijешio, vratit će se (bez grijeha) kao na dan kada ga je majka rodila."* (bilježi Buharija i drugi, *Fethu-l-bari*, 3/382).

Također Allahov Poslanik, sallallahu 'alejhi ve sellem, kaže: *"Hadždž mebrur (to je hadždž na kojem*

*badžija nije činio grijehe), za njega nema druge nagrade osim Dženneta.”* (bilježe Imam Ahmed i Taberani, *Sahihu-l-džami‘*, 3170).

## **17. UČENJE AJETU-L-KURSIJE POSLIJE SVAKOG FARZA**

Od Ebu Umame el-Bahilija, radijallahu 'anhu, se prenosi da je rekao: “Allahov Poslanik, sallallahu ‘alejhi ve sellem, je rekao: *'Ko pronči Ajetu-l-kursijj nakon svakog farza, između njega i ulaska u Džennet se ispriječava samo smrt'*.” (Nesai, Ibn es-Sunni i ostali, *Silsiletu-l-ehadis e-s-sahiha*, 972).

Postoje i drugi zikrovi, za koje je, ako ih čovjek s ubjeđenjem izgovori, obećan Džennet, kao naprimjer: u Buharijinom Sahihu se bilježi hadis od Šeddada ibn Evsa, radijallahu 'anhu, da je Allahov Poslanik, sallallahu ‘alejhi ve sellem, rekao: “*«Sejjidul-istigfar» (najbolja dova za oprost grijeha) je da kažeš: 'Allahu, Ti si moj Gospodar, nema boga osim Tebe, stvorio Si me i ja sam Tvoj rob, ja sam na tragu zavjeta i obećanja Tebi*

*datog, u okviru mojih mogućnosti. Utječem Ti se od zla koje sam počinio, priznajem Ti Tvoje blagodati prema meni i priznajem Ti svoje grijehe, pa mi oprosti, jer grijehe ne oprašta niko osim Tebe', zatim je rekao: 'Ko danju prouči ovaj istigfar, ubjeđen u to, pa umre toga dana prije nego što omrkne, bit će od stanovnika Dženneta, a ko to isto kaže noću, ubjeđen u to, pa umre prije nego svane, bit će od stanovnika Dženneta'.*" (Fethu-l-bari, 11/97).

## **18. KLANJATI DVANAEST REKATA (SUNNETA) SVAKI DAN I NOĆ, KAO DOBROVOLJNI NAMAZ ALLAHU DŽ.Š.**

Od Ummi Habibe, radijallahu 'anha, se prenosi da je Resulullah, sallallahu 'alejhi ve sellem, rekao: *"Ko u jednom danu i noći klanja dvanaest rekata (sunneta), bit će mu sagrađena kuća u Džennetu: četiri rekata prije podne i dva poslije, dva rekata poslije akšama, dva rekata poslije jacije i dva rekata prije sabaha."* (bilježi Tirmizi, Sahihu-l-džami', 6362).

## **19. ŠIRENJE SELAMA, HRANJENJE GLADNIH, ODRŽAVANJE RODBINSKIH VEZA, I KLANJANJE NOĆU**

Kaže Poslanik, sallallahu 'alejhi ve sellem: “O ljudi, širite selam, branite gladne, održavajte rodbinske veze i klanjajte noću dok ljudi spavaju pa ćete spokojno (sa selamom) ući u Džennet.” (bilježe Ibn Madždže i ostali, Sahih Sunen Ibn Madždže, 1097).

## **20. ISKRENOST U GOVORU, ISPUNJAVANJE OBEĆANJA, IZVRŠAVANJE EMANETA, ČUVANJE STIDNOG MJESTA, OBARANJE POGLEDA (OD ONOGA U ŠTO JE HARAM GLEDATI) I ČUVANJE RUKU (OD ZABRANJENIH STVARI).**

Od 'Ubade ibn es-Samita, radijallahu 'anhu, se prenosi da je Allahov Poslanik, sallallahu 'alejhi ve sellem, rekao: “Garantujte mi šest stvari od vas, ja ću vam garantovati Džennet: kada govorite budite iskreni, ispunite kada obećate, izvršite kada vam se nešto povjeri, čuvajte vaša stidna mjesta, obarajte poglede i

*čuvajte svoje ruke (od zabranjenih stvari)."* (bilježe Ibn Husejme, Ibn Hibban, el-Hakim i drugi, a Albani kaže da je hasen, *Silsiletu-l-ehadis es-sahiha*, br. 1470).

## **21.OBAVLJANJE PET DNEVNIH NAMAZA, ONAKO KAKO JE ALLAH NAREDIO, POSTITI MJESEC RAMAZAN, ČUVANJE STIDNOG MJESTA I POKORNOST MUŽU. (OVAJ UZROK JE POSEBNO ZA ŽENE)**

Bilježi Ibn Hibban u svom *Sahihu* od Ebu Hurejre, radijallahu 'anhu, da je Allahov Poslanik, sallallahu 'alejhi ve sellem, rekao: *"Ako žena bude klanjala pet dnevnih namaza, postila mjesec Ramazan, čuvala stidno mjesto i bila pokorna svome mužu, bit će joj rečeno: 'Uđi u Džennet, na koja hoćeš vrata'."* (*Sahihu-l-džami'*, 660).

## **22. ODGAJATI I IZDRŽAVATI TRI KĆERKE ILI TRI SESTRE**

Ebu Ja'la u svom *Musnedu* bilježi od Enesa, radijallahu 'anhu, da je rekao: *"Allahov Poslanik,*

sallallahu ‘alejhi ve sellem, je rekao: *‘Ko bude imao tri kćeri ili tri sestre, pa se bude bojao Allaha i brinuo se o njihovom odgoju i izdržavao ih, bit će sa mnom u Džennetu, ovako, pa je sastavio kažiprsti i srednji prst.’*” (Silsiletu-l-ehadis-u-s-sahiha, 295).

U Muslimovom *Sahihu* i Tirmizijinom *Sunenu* (4/281), u njegovoj formi, se bilježi hadis u kojem je Allahov Poslanik, sallallahu ‘alejhi ve sellem, rekao: *‘Ko bude izdržavao dvije kćerke i brinuo se o njima, ući će sa mnom u Džennet kao što su ova dva, pa je to pokazao sa svoja dva prsta.’*”

## **23. STRPLJIVOST I OČEKIVANJE NAGRADE PRI SMRTI DJECE I BLISKIH OSOBA**

Kaže Allahov Poslanik, sallallahu ‘alejhi ve sellem: *‘Kome umre troje (djece) od njegova potomstva, a on bude za to očekivao nagradu (od Allaha), ući će u Džennet.’* Jedna žena reče: *‘A šta je sa dvoje?’* Poslanik, sallallahu ‘alejhi ve sellem, odgovori: *‘I dvoje.’* (bilježe Nesaija i Ibn Hibban, *Sahihu-l-džami’*, 5969).



Također Allahov Poslanik, sallallahu 'alejhi ve sellem, kaže: *“Nema roditelja kojima umre troje djece, koja nisu punoljetna, a da ih Allah dž.š. svojom dobrotom i milošću prema toj djeci, ne uvede u Džennet.”* (bilježe Imami Ahmed, Nesajja i Ibn Hibban, *Sahihu-l-džami'*, 5781).

Bilježi Imami Ahmed u svome Musnedu od Ebu Hurejre, radijallahu 'anhu, da je Allahov Poslanik, sallallahu 'alejhi ve sellem, rekao: *“Allah dž.š. kaže: ‘Mom robu mu'minu, kada mu uzmem nekog bliskog na dunjaluku, i on za to očekuje nagradu, nema druge nagrade kod Mene osim Džennet’.”* (*Sahihu-l-džami'*, 8139).

## **24. IZDRŽAVANJE I BRIGA O JETIMU (SIROČETU)**

Bilježi Imam Buharija u svom *Sahihu* od Sehla ibn Sa'da, radijallahu 'anhu, da je Allahov Poslanik, sallallahu 'alejhi ve sellem, rekao: *“Ja i onaj ko se bude brinuo o jetimu (siročetu), bit ćemo u Džennetu ovako”, pa je sastavio svoj kažiprst i srednji prst.”* (*Fethu-l-bari*, 10/436).

## **25. OBILAZAK BOLESNIKA I POSJETA (ZIJARET) BRATU PO VJERI**

Od Ebu Hurejre, radijallahu 'anhu, se prenosi da je Poslanik, sallallahu 'alejhi ve sellem, rekao: *“Ko obide bolesnika ili posjeti svoga brata po vjeri, zovnut će ga glasnik: 'Blagoslovljen neka si i neka je blagoslovljen tvoj hod, nastani mjesto u Džennetu'.”* (bilježe Tirmizi i Ibn Madždže, a Albani kaže da je hasen, *Sahihu-l-džami'*, 6387).

Kaže Allahov Poslanik, sallallahu 'alejhi ve sellem: *“Ko posjeti bolesnika, on je u džennetskom bostanu sve dok se ne vrati (iz posjete).”* (bilježi Muslim, en-Newewi, 16/361).

## **26. ČUVANJE DVAJU SVOJSTAVA (OSO-BINE/VRLINE)**

Od 'Abdullaha ibn 'Amra, radijallahu 'anhu, se prenosi da je Allahov Poslanik, sallallahu 'alejhi ve sellem, rekao: *“Svaki rob musliman koji bude čuvao dvije osobine ili dva svojstva ući će u Džennet. Ta svojstva su labka, ali malo ih radi po njima. Iza svakog namaza reći*

*deset puta «subhanallah», deset puta «elhamdulillah», i deset puta «Allahu ekber». To je stotinu i pedeset jezikom, a hiljadu i petsto na vagi (mižanu). I kada legne proučiti 34 puta «Allahu ekber», 33 puta «elhamdulillah» i 33 puta «subhanallah». To je stotinu jezikom a hiljadu na vagi (mižanu).”*

*Vidio sam Allahovog Poslanika s.a.v.s. kako to uči, brojeći na prste svoje ruke. Upitali su ga: ‘Božiji Poslaniče, kako su te osobine lahke, a malo ih po njima radi?’ On odgovori: ‘Nekom od vas će doći šejtan kada legne i uspavat će ga prije nego to prouči, a dolaziti će mu i u namažu, pa će ga podsjećati na nešto prije nego to prouči.’ (bilježe ga Ebu Davud, Tirmizija i kaže: “hadis hasen sahih”, Nesaija i Ibn Hibban u svom Sahihu; i Sahihu-t-tergib, 603).*

## **27. VELIKODUŠNOST U KUPOPRODAJI**

Bilježi Imam Buharija u *et-Tarihu-l-kebir*, Nesai i ostali od 'Usmana ibn 'Affana r.a. da je rekao: “Allahov Poslanik, sallallahu 'alejhi ve sellem, je rekao: “*Allah dž.š. će uvesti u Džennet onog čovjeka koji je velikodušan i*

*kao mušterija i kao prodavač, i kao onaj koji vraća dug i kao onaj kome se vraća.”* (Silsiletu-l-ehadis es-sahiha, 1181).

## **28. OPROSTITI DUG ONOME KOME JE TEŠKO DA GA VRATI**

Bilježi Imam Muslim (Allah mu se smilovao) u svom *Sahihu* od Huzejfe ibn el-Jemana, radijallahu ‘anhu, a on od Allahovog Poslanika, sallallahu ‘alejhi ve sellem, *da je jedan čovjek umro i ušao u Džennet, pa mu je rečeno: “Šta si činio? On reče: ”Trgovao sam s ljudima pa sam odgađao dug onome kome je teško da ga vrati i opraštao sam dugove u novcu i imetku.”* (komentar Muslimovog Sahiha, od en-Newewija, 10/483).

Također se bilježi u Muslimovom *Sahihu* od Ebu Hurejre, radijallahu ‘anhu, da je Allahov Poslanik, sallallahu ‘alejhi ve sellem, rekao: *“Bio je jedan čovjek koji je ljudima posuđivao (imetak) i govorio bi svome momku: Ako ti dođe onaj kome je teško da vrati dug pa mu ga ti oprostiš, možda i Allah tebi oprosti.” Sreo je Allaha dž.š. (umro) pa mu je oprostio.”* (Komentar Muslimovog Sahiha od en-Newewija 10/485).

## **29. GRUPA DOBRIH DJELA, AKO SE U JEDNOM DANU NAĐU KOD MUSLIMANA, UĆIĆE, ALLAHOVOM DOBROTOM, U DŽENNET**

Bilježi Imam Muslim u svom *Sahihu* od Ebu Hurejre, radijallahu 'anhui, da je Allahov Poslanik, sallallahu 'alejhi ve sellem, rekao: *“Ko je od vas jutros zapostio?”* “Ja”, reče Ebu Bekr. Poslanik dalje upita: *“Ko je pratio dženažu?”* “Ja”, reče Ebu Bekr. Poslanik: *“Ko je danas nahranio siromaha?”* “Ja”, reče Ebu Bekr. Poslanik: *“Ko je od vas danas posjetio bolesnika!”* “Ja”, reče Ebu Bekr. Na to Poslanik s.a.v.s. reče: *“U koga se nađu ova djela u jednom danu, ući će u Džennet.”* (komentar Muslimovog *Sahiha* od en-Newewija, 15/164).

## **30. SABUR (STRPLJIVOST) AKO SE IZGUBI VID**

Od Ebu Hurejre, radijallahu 'anhui, se prenosi da je Allahov Poslanik, sallallahu 'alejhi ve sellem, rekao: *“Allah dž.š. kaže: 'Kome uzmem dva miljenika (oči), pa se strpi, očekujući nagradu, nisam zadovoljan da ga*

*nagradim i'čim drugim osim Džennetom'.*" (Bilježi Tirmizi, Sahihu-l-džami', 8140).